

Resolución lumero: 33

Asunto: Escritura de parolas prozedens de bozes latinas con os grupos cultos –DM- e –DB- (u –DV-). (D+consonán, en cheneral)

Testo de a resolución

1. En aragonés estández ye consellable l'adautazión de os grupos cultos latinos –DM- en *-Im-* e –DB-, -DV- en *-lb-*, d'acuerdo con a eboluzión popular tipica d'os semicultismos u en as adautazions populars d'os cultismos. Exemplos: *almitir, almirar, almenistrazón, albertenzia, alberbio, alberar*.
2. En o caso de o grupo –DB- u –DV- a solución en os bocables patrimoniales ye *-b-*: *abiento*. Asinas que en iste caso a solución más chenuina, e por tanto consellable, ye ista, siempre que se trate de bozes patrimoniales. En o caso de cultismos e semicultismos, parixe millor a solución *-lb-*.

Chustificacióñ

Os grupos cultos d'o latín –DM- e –DB- (u –DV-) tienen en aragonés como eboluzión tipica –DM- > *-Im-*, -DB-, (u –DV-) > *-lb-*, con trasformación d'a D en / debán de consonán. Isto ocurre en cultismos e semicultismos, tal como beyemos en *albertir* < lat. ADVERTERE, *almirar* < lat. ADMIRARI. Pero a solución tamién se troba en bozes patrimoniales como *alcorzar* < lat. bulgar *ACCURTIARE < *ADCURTIARE.

Ya que ye a eboluzión tipica de l'aragonés, ye consellable azeutar-la como modelo en l'aragonés estández, aplicando-la de traza cheneral á ras bozes aragonesas prozedens de bozes latinas que teneban os grupos –DM-, -DB-, -DV-, asinas como á ras bozes deribatas.

Asinas, por exemplo: *almitir* < lat. ADMITTERE: *almisión, almisible*; *albertir* < lat. ADVERTERE: *albertenzia*; *almirar* < lat. ADMIRARI: *almirazión, almirable*; *almenistrar* < lat. ADMINISTRARE: *almenistrazón/alministración, almenistratibo/alministratibo*; *alberar* < lat. ADVERARE: *alberazión; alberbio* < lat. tardano u eclesiastico ADVERBIUM; *albersario* < lat. ADVERSARIUS: *albersidá, alberso; alquirir* < lat. ACQUIRERE; ezetra.

Pero tamién esiste como solución patrimonial –DB- > *-b-*: ADVENTUM > *abiento*, ADVENTICIUM > *abendizo* ‘chiqueta construición con tellato á un augua achunta á ra prenzipal’ (Embún). Ye de dar que os bocables patrimoniales que tiengan iste tratamiento cal azeutar-los como propios de l'aragonés.

Bibliografía